

『日本書紀』26 齊明六年七月乙卯条

秋七月庚子朔乙卯。高麗使人乙相賀取文等罷歸。又都■（貝+化）羅人乾豆波斯達阿欲歸本土。求請送使曰。願後朝於大國。所以留妻爲表。乃與數十人入于西海之路。〈高麗沙門**道顯**日本世記曰。七月云云。春秋智借大將軍蘇定方之手。使擊百濟亡之。或曰。百濟自亡。由君大夫人妖女之無道擅奪國柄誅殺賢良。故召斯禍矣。可不慎歟。可不慎歟。其注云。新羅春秋智不得願於內臣盖金故。亦使於唐捨俗衣冠。請媚於天子。投禍於隣國。而搆斯意行者也。伊吉連博德書云。庚申年八月。百濟已平之後。九月十二日。放客本國。十九日。發自西京。十月十六日。還到東京。始得相見阿利麻等五人。十一月一日。爲將軍蘇定方等所捉百濟王以下。太子隆等諸王子十三人。大佐平沙宅千福國。弁成以下卅七人。并五十許人奉進朝堂。急引趨向天子天子恩勅。見前放著。十九日。賜勞。廿四日。發自東京。〉